

# CURRENTA

---

## CONSILIUM A VIGILANTIA.

Ad mandatum Sanctissimi Patris et Domini nostri Pii Papae X., per Encyclicam »Pascendi Dominici gregis« emanatum, pro Dioecesi Tarnoviensi, Consilium a Vigilantia constituitur.

### I. Officia Consilii a Vigilantia.

Officia huius Consilii secundum intentiones Suae Sanctitatis sunt sequentia.

1. Membris Consilii a Vigilantia incumbit obligatio invigilandi, ne in libris catholicis, quibus fideles utuntur, praepremis in libris eruditioni christianae inservientibus, lateant indicia vel vestigia sic dicti Modernismi. Hac in re pro casu necessitatis etiam »Collegium Censorum« in adiutorium vocabunt.

2. Remedia ad Cleri iuventutisque catholicae praesertim incolumitatem tuendam fovendamve spectantia Ordinariatus proponent.

3. Curam adhibebunt debitam, ne in institutis socialibus vel in scriptis de re sociali agentibus Modernismi vestigia reperiantur neque a probata s. Matris Ecclesiae doctrina recedatur.

4. Editioni vel evulgationi diariorum et ephemeridum catholicarum oculos adiicient, ne edantur in lucem vel distribuantur, quae Modernismi erroribus redolent.

5. Invigilabunt, ut sacrorum Reliquiarum cultus in Dioecesi secundum Ecclesiae praescripta fiat.

### II. De membris Consilii a Vigilantia.

Ius nominandi membra Consilii a Vigilantia pertinet ad Ordinarium.

### III. De iuramento praestando.

Membra Consilii a Vigilantia secundum dispositiones s. Sedis emissa Fidei catholicae professione iuramentum coram Ordinario praestabunt.

#### IV. De sessionibus.

Sessiones Consilii a Vigilantia ad praescripta s. Sedis et respectis indigentis in Curia Episcopali habebuntur, quibus praesidebit Ordinarius.

In casu necessitatis vel opportunitatis vota et relationes membrorum etiam in scriptis requirentur.

**Membra Consilii a Vigilantia constituuntur sequentes P. T. Rev. Domini :**

1. Stanislaus Walczyński, Praepositus Capituli Cathedr.
2. Dr. Josephus Bába, Decanus Capituli Cathedr.
3. Dr. Stanislaus Dutkiewicz, Canon. grem. Capituli Cathedr. et Rector Seminarii Dioecesan.
4. Dr. Stanislaus Dutkiewicz, Senior Collegii Profes. S. Theologiae in Seminario Dioecesan.
5. Dr. Jacobus Górka, Profes. Historiae eccl. in Seminario Dioecesano.
6. Dr. Ignatius Maciejowski, Decanus et Praep. Eccl. paroch. in Tuchów.
7. Boguslaus Królikowski, Praep. Congreg. Sac. saec. sub nom. Philippi Nerii.
8. Stanislaus Tyczkowski, Superior Sac. saecul. missionis S. Vincentii a Paulo, Tarnoviae.
9. Antonius Stopa, Rector Collegii Soc. Jesu in Nowy Sącz.
10. Joannes Šliž, Rector Congregationis SS. Redemptoris, Tuchoviae

*Ab Ordinariatu Episcopali Tarnoviae, die 5. Maii 1909.*

#### **Censores librorum argumenti religiosi typis imprimendorum nominati sub d. 7. Januarii 1909.**

- Illmus D. Franciscus Walczyński, Canon. grem.
- A. R. Clmus D. Jacobus Górka.
- A. R. Clmus D. Jacobus Stanczykiewicz.
- A. R. Clmus D. Andreas Macko.

#### **S. Congregatio S. Officii.**

##### **I.**

Die 26. Novembris 1908.

SSmus D. N. D. Pius div. prov. Papa X., in audientia R. P. D. Adessori S. Officii impertita, universis christifidelibus qui duodecim sabbatis haud interruptis

ante festum Immaculatae Conceptionis B. Mariae Virginis, confessi ac S. Synaxi refecti, sive precibus sive piis meditationibus ad honorem eiusdem B. Virginis absque macula originalis culpae conceptae, vacaverint, et ad mentem Summi Pontificis pias ad Deum preces effuderint, plenariam indulgentiam, defunctis quoque applicabilem, singulis memoratis sabbatis lucrificandam, benigne concessit in perpetuum absque ulla Brevis expeditione. Contrariis quibuscumque non obstantibus.

**Aloisius Can. Giambene, Substitutus pro Indulgentiis.**

---

## II.

### **De benedicendis Pueri Jesu numismatibus, iisque Indulgentiis ditandis.**

Die 18. Martii 1909.

SSmus D. N. D. Pius divina providentia PP. X., in audientia R. P. D. Adessori S. Officii impertita, sacerdotibus universis, tum saecularibus tum regularibus, rite facultate pollentibus benedicendi coronas, rosaria, cruces, crucifixos, parvas statuas ac SS. numismata eisque adplicandi indulgentias apostolicas nuncupatas, potestatem quoque fecit adnectendi SS. numismatibus, quae imaginem infantis D. N. Jesu Christi praeseferunt, etiam indulgentiam quinquaginta dierum, defunctis quoque adplicabilem, toties a christifidelibus lucrandam, quoties ipsi, corde saltem contrito ac devote aliquod ex huiusmodi numismatibus deosculantes, invocationem *Sancte puer Jesu, benedic nos* recitaverint; nec non plenariam indulgentiam ab iis acquirendam, qui unum ex memoratis numismatibus in mortis articulo deosculati fuerint, simulque, confessi ac sacra communione refecti vel saltem contriti, sanctissimum Jesu nomen ore, si potuerint, sin minus corde, devote invocaverint, et mortem tamquam peccati stipendium de manu Domini patienter susceperint. Praesenti in perpetuum valituro, absque ulla Brevis expeditione. Contrariis quibuscumque non obstantibus.

**Aloisius Can. Giambene, Substitutus pro Indulgentiis.**

---

## III.

### **Conceditur Indulgentia anulum Cardinalium et Episcoporum deosculantibus.**

Die 18. Martii 1909.

SSmus D. N. D. Pius divina providentia PP. X., in audientia R. P. D. Adessori S. Officii impertita, universis christifidelibus, corde saltem contrito ac devote, anulum EE. PP. Cardinalium vel RR. PP. Archiepiscoporum et Episcoporum deosculantibus, indulgentiam quinquaginta dierum, defunctis quoque adplicabilem, benigne concessit. Praesenti in perpetuum valituro, absque ulla Brevis expeditione. Contrariis quibuscumque non obstantibus.

**Aloisius Can. Giambene, Substitutus pro Indulgentiis.**

---



IV.

**Adnectitur Indulgentia cuidam orationi coram SS. Sacramento recitandae.**

Die 18. Martii 1909.

SSmus D. N. D. Pius div. prov. PP. X., in audientia R. P. D. Adessori S. Officii impertita, indulgentiam trecentorum dierum, animabus in Purgatorio degentibus etiam adplicabilem, benigne concessit, semel quocumque anni die ab universis christifidelibus lucrificandam, qui, corde saltem contrito ac devote, sequentem orationem coram SSmo Eucharistiae sacramento recitaverint: »Te, Jesu, verum Deum et hominem hic in sancta Eucharistia praesentem, in genua humillime provolutus, cum fidelibus terrae et Sanctis coeli mente coniunctus adoro; ac pro tanto beneficio intime gratus, te, Jesu, infinite perfectum atque infinite amabilem, ex toto corde diligo. Da mihi gratiam, ne ullo modo te umquam effendam, atque ut, tua, hac in terra, eucharistica praesentia recreatus, ad tuam aeternam ac beatam in coelis praesentiam una cum Maria perfruendum merear pervenire. Amen«.

Praesenti in perpetuum valituro, absque ulla Brevis expeditione. Contrariis quibuscumque non obstantibus.

Aloisius Can. Giambene, Substitutus pro Indulgentiis.

---

**S. Congregatio Rituum.**

I.

**Compostellana.**

**Cadavera sacerdotum indui possunt casula violacei vel nigri coloris.**

Emus et Rmus Dominus Cardinalis Josephus M. de Herrera y de la Iglesia a sacrorum Rituum Congregatione sequentis dubii resolutionem reverenter expectivit, nimirum:

Quum in Rituali Romano, tit. VI. *de exsequiis* sub num. 11, haec legantur: »Sacerdos quidem super talarem vestem, amictu, alba, cingulo, manipulo, stola et casula seu planeta violacea sit indutus«; quumque ex consuetudine generali vigente in archidioecesi Compostellana, cadavera sacerdotum induantur planeta seu casula nigri coloris, quaeritur: an vi consuetudinis liceat cadavera sacerdotum induere casula vel planeta nigri coloris?

Et sacra Rituum Congregatio, ad relationem subscripti Secretarii, audito Commissionis liturgicae suffragio, re sedulo perpensa, proposito dubio ita respondendum censuit: Affirmative, attenta praesertim consuetudine et Rubrica Ritualis Romani, quae praescribens paramenta violacea in casu non excludit nigra.

Atque ita rescripsit, die 20. Novembris 1908.

S. Card. Cretoni, Praefectus.

† D. Panici, Archiep. Laodicen., Secretarius.

---

II.

Urbis et Orbis.

**Adprobantur Litaniae in honorem S. Joseph Sponsi B. Mariae V., eisque  
adnectitur Indulgentia.**

Sanctissimus Dominus noster Pius Papa X., inelytum patriarcham S. Joseph, divini Redemptoris patrem putativum, Deiparae Virginis sponsum purissimum, et catholicae Ecclesiae potentem apud Deum patronum, cuius glorioso nomine a natiuitate decoratur, peculiari atque constante religione ac pietate complectitur. Hinc supplicibus enixisque votis et precibus plurium sacrorum Ecclesiae Antistitum et Praepositorum ordinum religiosorum, praeunte Abbate generali Cisterciensium reformatorum, libenter obsecundans, suorum Decessorum fel. rec. Pii IX. et Leonis XIII. exempla, acta et decreta de cultu ipsius S. Joseph edita, toto animo ac voluntate per hoc novum decretum prosequi statuit. Eapropter, quo omnes et singuli christifideles, cuiusvis sexus, status et conditionis, cum filiali ac religioso affectu ac firma solidaque spe eximias Nazarenae Familiae nutritii et custodis virtutes frequenter recolant ac studiose imitentur, validamque opem, praesenti tempore, humanae familiae ac societati congruentem, iteratis invocationibus ferventer implorent, Litanias in honorem S. Joseph, sacrorum Rituum Congregationis examini ac iudicio subiectas, atque ab ipsa dignas adprobatione recognitas, de eiusdem sacrae Congregationis consulto, ac referente infrascripto Cardinali Praefecto et Ponente, apostolica sua auctoritate adprobavit; easque in vulgus edi, atque in libris liturgicis, post alias Litanias iam adprobatas, inseri ita indulsit, ut in universa Ecclesia tum private, tum publice, recitari et decantari valeant. Insuper eadem Sanctitas Sua omnibus et singulis christifidelibus has Litanias in honorem sancti patriarchae Joseph persolventibus, tercentum dierum indulgentiam, semel in die lucrandam, et animabus in expiatorio carcere detentis etiam applicabilem, benigne concessit. Contrariis non obstantibus quibuscumque. Die 18. Martii 1909.

**Fr. S. Card. Martinelli, Praefectus.**

**† D. Pacini, Archiep. Laodicen., Secretarius.**

**LITANIAE DE S. JOSEPH.**

Kyrie, eleison.

Christe, eleison.

Kyrie, eleison.

Christe, audi nos.

Christe, exaudi nos.

Pater de coelis, Deus — miserere nobis.

Fili, Redemptor mundi, Deus — miserere nobis.

Spiritus sancte, Deus — miserere nobis.

Sancta Trinitas, unus Deus — miserere nobis.

Sancta Maria,

Sancte Joseph,

Proles David inclyta,

Lumen Patriarcharum,

Dei Genitricis sponse,

Custos pudice Virginis,

Filii Dei nutritie,

Christi defensor sedule,

Almae Familiae praeses,

Joseph iustissime,

Joseph castissime,

Joseph prudentissime,

Joseph fortissime,

Joseph obedientissime,

Joseph fidelissime,

Speculum patientiae,

Amator paupertatis,

Exemplar opificum,

Domesticae vitae decus,

Custos virginum,

Familiarum columen,

Solatum miserorum,

Spes aegrotantium,

Patrone morientium,

Terror daemonum,

Protector sanctae Ecclesiae,

Ora pro nobis.

Agnus Dei, qui tollis peccata mundi — parce nobis, Domine.

Agnus Dei, qui tollis peccata mundi — exaudi nos, Domine.


Agnus Dei, qui tollis peccata mundi — miserere nobis.

V. Constituit eum dominum domus suae.

R. Et principem omnis possessionis suae.

## OREMUS.

Deus, qui ineffabili providentia beatum Joseph sanctissimae Genitricis tuae sponsum eligere dignatus es: praesta, quaesumus; ut quem protectorem veneramus in terris, intercessorem habere mereamur in coelis: Qui vivis et regnas in saecula saeculorum. Amen.





III.

Urbis et orbis.

Conceditur anticipatio confessionis pro indulgentiis lucrandis.

Quo christifideles Indulgentiarum thesauro facilius fruerentur, haec S. Congregatio Indulgentiis Sacrisque Reliquiis praeposita, decreto diei 9 Decembris 1763 cunctis fedelibus, quibus laudabilis est consuetudo accedendi semel in hebdomada ad poenitentiae Sacramentum, iam indultum concessit, vi cuius omnes indulgentias acquirerent per ipsam hebdomadam occurrentes absque alia peccatorum confessione quae ceteroquin ad eas lucrandas foret necessaria. Huiusmodi vero indultum pro aliquibus regionibus, attenta confessariorum inopia, etiam ad sacramentalem confessionem infra duas hebdomadas peractam extensum fuit. Insuper alio decreto sub die 6 Octobris 1870 provisum est, ut ad confessionem et S. Synaxim quisque accedere posset die, qui illum immediate praecedit, pro quo aliqua Indulgentia sive ratione festivitatis, sive alia quacumque ex causa fuerit concessa.

Experientia tamen compertum est hisce indultis haud satis consultum, quando agitur de iis indulgentiis lucrandis, quae aliquibus festivitatibus extraordinariis sunt adnexae, vel de iis, quas toties quoties eadem die acquiri datum est. Tunc enim ingens fit fidelium concursus ad sacramenta suscipienda, ita ut eorum pio desiderio multis in locis vix satisfieri posset, nisi confessio praescripta paulo anticipetur ab iis, qui qualibet hebdomada confiteri non solent, neque possunt.

Quapropter SSmo Domino Nostro Pio PP. X. preces sunt exhibitae, ut desuper his de Apostolica benignitate providere dignaretur, indulgendo ut confessio peragenda ad lucrandam indulgentiam, si haec pluries eadem die sit concessa, tribus diebus immediate praecedentibus, sin vero semel in die sit concessa, duobus tantum integris diebus anticipari queat <sup>1)</sup>.

Et Beatissimus Pater, in audientia habita ab infrascripto Card. Praefecto, die 11 Martii 1908, summopere exoptans maiori spirituali bono christifidelium prospicere, expositis precibus clementer annuere dignatus est adnexa indulgentia, permissam, in adimplendis ceteris operibus iniunctis regula generalis, circa modum et tempus concessionibus praescriptum, servetur. Praesenti in perpetuum valituro. Contrariis non obstantibus quibuscumque,

Datum Romae, e Secretaria eiusdem S. Congregationis, die 11 Marti 1908.

S. Card. Cretoni, Praefectus.

† D. Panici, Archiep. Laodiceus, Secretarius.

---

<sup>1)</sup> Huius generis particulares concessionem ab eadem S. C. iam alias factae sunt, ex gr. rescripto die 28 Ang. 1907 indultum fuit ut pro lucranda indulgentia plenaria in fine concionum Quadragesimae, Adventus, Missionum et exercitiorum spiritualium concedi solita, sufficiat confessio infra ultimos quinque dies peracta. (Cur. VI. ex a. 1908).

IV.

ROMANA.


Nuper expostulatum est a sacra Rituum Congregatione: an lampades, quae ardere debent ante altare et tabernaculum in quo asservatur sanctissimum Eucharistiae sacramentum, nutriri possint ex cera apum, saltem in maxima parte, quae adhibetur in candelis praescriptis ad Missae celebrationem, iuxta mentem decreti S. R. C. *Plurium dioecesium* diei 14 Decembris 1904.

Et sacra eadem Congregatio, ad relationem subscripti Secretarii, exquisita Commissionis liturgicae sententia, omnibus accurate perpensis proposito dubio ita respondendum censuit: In defectu olei tolerari posse, et remittendum esse prudentiae Episcopi, iuxta decretum n. 3121 *Plurium dioecesium* 14 Iulii 1864.

Atque ita rescipsit, die 27 Novembris 1908.

S. Card. Cretoni, Praefectus.


† D. Panici, Archiep. Laodicen, Secretarius.



Nr 2476..

**Wydawanie metryk dla konkubinaryuszów na Węgrzech.**

Zachęcamy P. T. Duchowieństwo, aby dla parafian swoich, którzy udali się za pracę na Węgry i tam żyją w konkubinacie, wydawali metryki bezpłatnie, ilekroć Stowarzyszenie polskie pod wezwaniem św. Jana Franciszka Regis w Budapeszcie zwróci się z tą prośbą do odnośnych Urzędów parafialnych na drukowanym formularzu. Prawie wszyscy proboszczowie węgiersey czynią to również bezinteresownie, kiedy powyższe Stowarzyszenie o to prosi.



**Altaria portatilia**

są do nabycia w kancelaryi Konsystorskiej po 10 koron.

**Z KONSYSTORZA BISKUPIEGO.**

W Tarnowie, dnia 15. maja 1909.

**X. Władysław Chendyński**  
Kancelarz

† **LEON**  
BISKUP.